

## Përfshirja e disa veprimtarive me interes të përgjithshëm

### Të përgjithshme mbi përfshirjen nga TVSH

Në zbatim të dispozitave të ligjit Nr. 92/2014, datë 24.07.2014 “Për tatimin mbi vlerën e shtuar në Republikën e Shqipërisë”, i ndryshuar, disa lloje transaksionesh përfshihen nga TVSH-ja.

#### ***Kujdes!***

*Përfshirjet përcaktohen në mënyrë të shprehur nga ligji dhe shtrirja e tyre për analogji nuk është e mundur.*

Ndërkohë, personat që kryejnë transaksione të përfshiruara nuk janë të përfshiruar nga detyrimet që u takojnë personave të tatueshëm (p.sh. lëshimi i faturave, plotësimi i deklaratave, etj), përveç se kur përcaktohet me ligj.

Përfshirja nga TVSH e shtrin fushën e veprimit jo vetëm mbi furnizimet e përfshiruara, por kufizon gjithashtu edhe të drejtat mbi blerjet duke sjellë humbjen e të drejtës së zbritjes së TVSH-së, që ka rënduar mbi elementet e çmimit, të transaksionit të realizuar.

### Furnizimet e barnave dhe shërbimeve shëndetësore

Në furnizimet e përfshiruara nga TVSH-ja për transaksionet me interes të përgjithshëm, bazuar në nenin 51 të Ligjit përfshihen:

1. Furnizimi i barnave, pajisjeve mjekësore të implantueshme aktive dhe pajisjeve mjekësore të implantueshme. (Në kuptim të kësaj pike, me barna kuptohen barnat për konsum njerëzor dhe barnat që përdoren për kafshët, sipas listës së miratuar nga Agjencia Kombëtare e Barnave dhe Pajisjeve Mjekësore);
2. Furnizimi i shërbimeve shëndetësore dhe veprimeve të lidhura ngushtë me to, që kanë për qëllim mbrojtjen e shëndetit të shtetasve, përfshirë parandalimin, diagnozifikimin, trajtimin, kurimin e sëmundjes apo çrregullimeve shëndetësore dhe rehabilitimin, nga institucionet shëndetësore publike ose private, të njohura si të tilla nga autoriteti kompetent shëndetësor;
3. Furnizimet e shërbimeve shëndetësore, të ofruara për qëllime të kujdesit për shëndetin, në kuadër të ushtrimit të profesionit mjekësor ose para-mjekësor, të njohur si të tillë dhe të licencuar, sipas legjislacionit në fuqi për licencimin;
4. furnizimi i organeve, gjakut dhe të qumështit njerëzor;
5. furnizimet e shërbimeve shëndetësore, të kryera në kuadrin e profesionit të tyre, nga stomatologët dhe laborantët dentarë.

## **Shtrirja e përjashtimit të TVSH-së**

Përjashtohen gjithashtu nga TVSH-ja, furnizimi i shërbimeve shëndetësore ndaj pacientit, ku përfshihen të gjitha shërbimet për parandalimin, diagnozifikimin, trajtimin, kurimin e sëmundjes apo çrregullimeve shëndetësore dhe rehabilitimin, të ofruara nga institucionet shëndetësore publike ose private, të njohura ose të licencuara nga autoritetet kompetente, sipas legjislacionit në fuqi.

## **Veprimet e lidhura me shërbimet shëndetësore**

Janë veprimet e domosdoshme që furnizohen (kryhen) nga vetë institucioni shëndetësor, për ofrimin e shërbimit shëndetësor dhe si pjesë e tij.

Është kusht që, këto shërbime dhe veprime të trajtohen si shërbime të përjashtuara nga TVSH, duhet të ofrohen (furnizohen) nga institucionet shëndetësore publike ose private, ose në kuadër të ushtrimit të profesionit mjekësor ose para-mjekësor, të njohur dhe licencuar si të tillë nga autoriteti kompetent shëndetësor.

## **Profesionistët e veprimtarive mjekësore**

Profesionistët që e ushtrojnë veprimtarinë mjekësore si të pavarur në kuadër të ushtrimit të profesionit mjekësor ose para-mjekësor, konsiderohen si profesionistë të pavarur, qoftë kur shfrytëzojnë institucione shëndetësore ose klinika private, në të cilat ia kryejnë shërbimin drejtpërsëdrejti pacientit dhe e marrin drejtpërdrejtë shpërblimin për punën e tyre; qoftë kur e ushtrojnë veprimtarinë e tyre mjekësore në shërbim të pacientëve, me qëllim kujdesin ndaj shëndetit nëpërmjet institucioneve shëndetësore private ose publike, ose në kuadrin e shoqërive civile profesionale.

## **Transporti i të sëmurëve**

Furnizimi i shërbimit të transportit të të sëmurëve apo të plagosurve, me automjete të krijuara posaçërisht për këtë qëllim si p.sh. shërbimi i autoambulancës private ose publike, kur ky shërbim ofrohet nga ana e organizmave të autorizuar posaçërisht për këtë qëllim, është furnizim i përjashtuar nga TVSH-ja.

## **E drejta e zbritjes së TVSH-së**

Institucionet shëndetësore që ofrojnë shërbim shëndetësor të përjashtuar nga TVSH-ja janë të përjashtuar gjithashtu nga e drejta për të zbritur TVSH- në, e paguar në blerjen e çdo malli ose shërbimi të marrë për qëllime të veprimtarisë së tyre të përjashtuar, sipas parimit të së drejtës së zbritjes dhe rregullave të përcaktuara në ligj.